

大清會典  
工部



大清會典卷之

工部

營繕清吏司

城垣

凡都城之制。內城。周四十里。闢九門。南曰正陽。崇文。宣武。東曰朝陽。東直。西曰阜成。西直。北曰安定。德勝。四周修七千八百七十有九丈八尺。崇三丈五尺。各有竒。堞廣五尺有八寸。趾厚六丈二尺。上寬五丈。外為重城。環內城南面。轉抱東西兩角。樓迤北而止。廣袤二十有八里。闢七



大清會典 工部



門。南曰永定。左安。右安。東曰廣渠。東便。西曰廣寧。西便。三面修四千六百三十有二丈七尺有奇。崇二丈。堞廣四尺。趾厚二丈。上寬丈有四尺。各建城闐。譙樓。樓各啓牕。置礮。左右置屋。以儲火藥。共堞二萬五百二十有五。礮牕二千百九十有六。城堞二百三十有五。儲火藥屋及列戍二百有三十所。○內城。城濠源發玉泉山。遶流九門。兩岸甃以甃石。各駕橋梁於門之外。外城濠河亦自玉泉山分流。環遶七門。東達運河。門外亦各跨橋梁一。

凡修繕京城。儲火藥屋傾圮。由步軍統領移部察覈。奏修。城面滲漏。城濠或水潦衝齧。內城部遣其屬治之。外城順天府尹及五城官領其事。工竣均由部勘驗堅否。限以三年保固。其驗不如式。及限內坍塌損者。令原修官賠修。以示懲罰。凡直省城垣。各督撫察其所屬境內之崇廣深厚。及傾圮與否。詳覈丈尺。登諸冊。以時稽其修廢。工省則有司於農隙繕治。工費浩繁者。州縣申督撫報部。疏請興舉。其有玩視不修不報者。劾之。守土官更代。必按籍稽覈。有不符者。分別

先後賠修。○歲旱潦。督撫酌量緩急。次第修築。寓振濟於工程。

凡城垣禁令。內外城樓。禁民登臨。及竊執者。有犯。均論如律。○各省城垣。令督撫率屬。加意防護。毋縱民登陟。有殘闕處。急修整。嚴禁踰越。以防姦宄。





